

Marbendill

Fréttabréf Sjálandsskóla

5. tbl. okt 2005

Vetur konungur og hjóltreiddar

Nú þegar vetur gengur í garð er mikilvægt að foreldrar íhugi vel hvort að ráðlegt sé að senda börn á reiddhjól, línuskautum eða hjólabrettum í skólann. Foreldrar eru hvattir til þess að kynna sér lög og reglur um hjóltreiddar barna.

Gönguleiðin úr Ásahverfi verður greidd

Loksins hillir undir það að gönguleiðin úr Ásahverfi sé greidd. Verið er að leggja lokahönd á upphækkaðar gangbrautir yfir Ásabraut (fyrir neðan Arnarás) og Skeiðarás. Þá eru undirgöngin við Vífilssstaðaveg tilbúin. Foreldrar í Ásahverfi eru hvattir til að senda börn sín fótgangandi í skólann. Fyrstu dagana er hins vegar ráðlegt að þeir leiðbeini börnunum um leiðarval og fylgi þeim í skólann. Skólaakstur úr Ásahverfi mun hætta strax og gönguleið er orðin greidd, væntanlega 21. október. Áfram verður skólaakstur úr Sjálandshverfi.

Heimilisvika

Dagana 24.-28. október verður heimilisvika í Sjálandsskóla. Nemendur vinna í skólanum að fjölbreyttum verkefnum sem varða heimilishald og heimverkefni þessa vikuna eru heimilisstörf samkvæmt lista sem verður sendur heim með nemendum. Við förum þess á leit við foreldra að þeir styðji skólann og nemendur í þessu verkefni með því að leiðbeina þeim við úrlausn verkefnanna, fylgjast með því að nemendur vinni verkefnið og meti vinnuframlag þeirra.

Skiplagsdagur

Mánudaginn 24. október er skipulagsdagur í Sjálandsskóla. Starfsmenn skólans munu fara í vettvangsferð í Grundaskóla á Akranes og fræðast af áratugalangri reynslu þeirra af sveigjanlegu skólastarfi. Þá munu starfsmenn funda um reynslu liðinna vikna og leggja á ráðin varðandi skipulag skólastarfs fram að áramótum. Þennan dag fellur því niður öll kennsla en tómstundaheimilið er opið þeim sem það vilja (sjá nánar tilkynningu þess efnis).

Samræmd próf

Nemendur 4. bekkjar munu taka samræmt próf í íslensku fimmtudag 20. og stærðfræði föstudag 21. október. Engin röskun verður á skólastarfinu hjá öðrum árgöngum og skóladagur 4. bekkjar verður að öðru leiti með hefðbundnu sniði.

Samtök áhugafólks um skólaþróun

Fjölmargir kennarar skólans munu taka þátt í stofnþingi samtaka áhugafólks um skólaþróun eftir kennslu föstudaginn 18. nóvember.

Óskilamunir

Foreldrar eru hvattir til þess að minna börnin á að taka föt með sér á föstudögum úr skógeymslu og fatahengi svo hægt sé að ganga frá óskilamunum og þrifa.

Íþróttir

Fram á vor mun annar íþróttatími nemenda verða innandyra en hinn utandyra. Foreldrar eru hvattir til þess að hafa vakandi auga fyrir því á hvaða degi eru inniþróttir og hvenær útiþróttir svo nemendur komi með viðeigandi íþróttafatnað.

Foreldrafélagið og foreldraráð

Stofnfundur foreldrafélags var haldinn miðvikudaginn 19. október. Fundargerð fundarins verður birt á heimasíðu Sjálandsskóla. Nýrri stjórn Foreldrafélagsins og kjörnum fulltrúum í foreldraráð Sjálandsskóla er óskað velfarnaðar í starfi.